

www.BibleForChildren.org

Mateo 8



Bolacabö tä mö didi fa cublalunö, Calilea tä ulifi jamö, Canaateli bä çoçamolayoma. Cäcöbö lä doayou wei cäcöbö nofi çoçamoabeje jamö, Jesús bä nöö e çai loo coyocooma. Jesús a ma cui, cama ebä lä nocamabono wei bä ma cui, öjö bä bluca nacalemaje, cäcöbö nofi çoçamoabeje.



Bä çamobä jamö, nashiwä toubä waicoma cudeenö, Jesús nija abinaja bä nöö e cuma. —Nashiwä e toubä jowa waicoma tai —e cuma. Öjö däjä, cama e yafi lä cuono wei a wə juamobä ebä lä cui, Jesús bä nöö enö bä yömölama. —Ijluyänö wamacö nowa taö ja, wama a wə nia juaö —a cuma.



Bada a wə juamobä ebä nija abinaja
Jesús a cuma. —Fei bä bada lä itatale bä
jamö, mau ubä fe da lajoaboduje —a
cuma. A wə juaö fa showadalöjenö, ubä
casö malöcöabodayomaje. Öjö däjä, bä
iyabä jamö a bada lä loono wei
a nija, ubä wabamaö bufima.



Abinaja Jesúsnö bã nowa tama. —Bei.
Fei däjä wama ubä fa jiquelönö, bada a
nija ubä da jöbäcuduje —bã nowa tama.
Inaja bã nowa tama yalo, ubä fa
jiquelöjenö, e ubä çai icuquemaje.



Öjö däjä, bä iyabä jamö a bada lä loono wei a lä cuinö,
nashiwä toubä cublou lä nomöjölayono wei toubä
wabama. Mau ubä ja toubä
lä tablamolayono wei tä ja,
a mojuduoma. ¿Öjö tawä?
Toubä lä jiqueleno wejei
bänö, ubä shino daö
ayaomaje. Öjö däjä
bada a lä cuinö
toubä fa wabanö,
a bufi shi
jalimolayoma.



A suwäbö nia lä däono wei a fiya nacaamaö showadao
bufima. Abinaja a shi jalimolanö, a cuma. —;Ei toubä
shino yai coamamou
dodijidawä! Ai täbä lä
cuaaö weinaja mlai, cafä
wa shino yai dodijaö.



Ai tábä lä cuinö, nashiwä dodijidawä toubä coablamaö
fa balöojenö, tábä bädöa waiquilaliyono wei ja, öjö däjä
wǎlidiwä toubä li
wawäblamaö majöö
dicooje. Öjö ma cui,
cafänö wa toubä
wawäblamaö lä majöle,
toubä shino yai
dodijidawä fe
balojowä
—a cuma.



Inaja Jesús a cuaaö ja, tä nö lä quilijii tä jaba
wawäblamalema, Yai Bada e nö
öjööamobä. Inaja a doblao
damoa fa culalunö, cama
ebä lä nocamabono wei
bä lä cuinö a wä bejedi
bufilemaje.




Calilea tä ulifi jamö a cuo däjä, inaja a cuaama,
Canaateli bä nijamö.



Simón e yafi jamö Jesús a fa
lucälönö, Simón bä yesi e jalili
blaa dalalema. A yoblaoma.



Imicö fa jubädalönö, etä yobli mladamaö
showadalayoma. Öjö däjä a fa
jocädalunö, bä fama iyaa showamalema.



Bei. Motoca a lä queo wei däjä, bä çaj jalili lä cublamono wejei bä çaj bluca waloblayolumaje. Bä lä feculaböono wei bä çaj.


Bä lä fablaaö wei yoca jamö, Cabenaoteli bä shabonobö jamö bä bluca lä bälöle bä bluca yododablayoluma.



Bluca tä wayu shomitawänö bä nö jalili lä bleaano wei
bä jalomalalema. Fecula bä bluca çai yashuu
showadaoma. ¿Öjö tawä? A nö öjöböamaje yalo, bä a
fablamanomi.



Jesús etä lojodenö bä bluca jalolayoma yalo, bä bluca lä cõcamono wei bänö a jubaö bufi doblaomaje.



Öjö däjä, Jesús nija a mömabeje, a lä yʒtoliböono wei
a lä cui, 4 tábänö a befi çai cadömaboimamaje.



Öjō ma cui, bā lä çocamono wei
bänö a yafi jęfa mashiquiwä ja,
a çai faö doblonomije. Öjō
cudeenö, yafi feyaca sibo
jamö a çai dubefälömaje.



A ai fa dubofälöjenö,
Jesús a feduböcö jamö tä
fa jocäblalujulujenö, a lä
yaťoliböono wei a befi ai
itomalejelayomaje.



A nofi lä mölabou wejei etä fa dalalönö, abinaja Jesús
a cuma, a lä yaṭoliböono wei
a nija. —Uṣasi. Wa doblou
lä mlai afä ya tä nowa
bluca mladamaö lä
cule —e cuma.
—Bei. A da
ubladaḷu. Wa lä
maquele wa täcö fa
jocälänö, täcö çai
çojamö da ço
—a cuma.



Canawä ajamö Jesús a fa
döcäbalunö, cama ebä lä
nocamabono wei bä çai
döcäcou mö feduo
showadaobaliyoma.



Öjö däjä, bä befi çai caläfälöbä jamö wadoli a lojode fa
cublalunö, canawä a jamö mau u
bada lä shäyäjou wei ubä fe
lajoaö waiquioma ma cui,
Jesús a midio fe
yadio dicooma.



Abinaja Jesús e cuma. —¿Wedi tä tabä wamacö li quilii? ¿Yai Bada wama tä nofi li mölaboimi dicoo tawä? —e cuma. Öjö däjä, a fa jocädalunö, wadoli a wasöa showadalema, u çai bada lä shäyäjono wei u çai. Öjö a wəno tä bluca ononodou showadalayoma.

Bä bufi yai shädayaimolanö bä wəliyoma. —¿Ei wedi bei a li dodijiwä?

Wadoli a bada ma cui, mau u bada lä shäyäjou wei u ma cui, cama a wəno täbä nofi mladou si ijejewä yai —bä cuma.



'Yai Bada tänö yanowamö täbä
nofimaö fa dodijionö, bä ljilubö
moli ya e lä cui yale shömölema.
Wale ą bejedi lä bufii wejei bä
bluca lä cui, bä nomaö mlai ja
bä bəlimi cuobä.



Romanos 3:23 Yanowamö täbä jödödöwänö wəlidiwä tä taö malä cujei. Yai Bada tä doblao lä culenaja bä cuwä malä mlai.

Romanos 6:23 Wəlidiwä tä lä taö wejei tä nowa ja täbä malä nomaö wei. Öjö ma cui Bada tä Jesucristo lija bamacö bufi cua yalo, Yai Bada tänö no mlai ja bämalecö bayeliblaö, bəlimi bamacö cuobä.

Hebreos 9:27 Yanowamö täbä nia lä nomaö wei, moli bä nia shilo nomaö. Öjö dējä Yai Bada lija bä nia icuo, bä jimamobä.

Efesios 2:8,9 Wamacö nofi ojodabou yalo, Jesucristo wama a nofi fa mölabonö wamacö malä fucäləno wei. ¿Öjö tawä? Wama a nofi lä mölabou wei tä ma cui, Yai Bada tänö no mlai ja wamacö bayeliblaö mlao fa cunoja, wama a nofi nö çai mölabou bädaobö mlai.



Täbä lä dodijaö wei tänö täbä fucäamoimi yalo, cama bä dodijidawä jimöobä etä cuami.

Romanos 10:9,10 Bei wa caficönö Jesús wa wafa Bada wäaö ja, bei wa bufinö Yai Bada tänö a demi jocädamaö lä çolayono wei wa tä ʘ bejedi çai bufibou ja, wa fucäamou wä.

Bei täbä bufinö tä ʘ bejedi malä bufibou wejei, jai bä dodijidawä waiquiwä Yai Bada tänö bä nofi tabobä. Bei täbä caficönö bä ʘ nö çai wäo, bä fucäamobä.

Juan 3:16,17 'Yai Bada tänö yanowamö täbä nofimaö fa dodijionö, bä ljilubö moli ya e lä cui yale shömölema. Wale ʘ bejedi lä bufii wejei bä bluca lä cui, bä nomaö mlai ja bä bəlimi cuobä.



Yai Bada tänö bita jamö bä Ijilubö wale lä shömöleno wei ya lä cui, yanowamö ya täbä nö bleaamabä wale shömano malä mlai. Ya täbä yai jucäabä wale shömölema.

1 Juan 5:11-13 Bəlimi bəmacö cuobä Yai Bada tänö bəmalecö lä dobäleno wei tä əfa yai wəyämou. Bä Ijilubö bəma a bejedi lä bufii wei tänö bəmacö yai bəlimi cuobä.

Bä Ijilubö e lä tabou wejei bä lä cui, bəlimi bä li cua waiquia. Yai Bada bei Ijilubö e tabou lä mlajei bä lä cui, bä nia lä bəlimio wei etä cuami.

Yai Bada bei Ijilubö wama a bejedi lä bufii wei wamacö bufi jaducublobä, ei ya tä ə oni shömaö. Bəlimi wamacö cua lä waiquile wama tä dabä.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Yanomamo (guu) ©2012, All Rights Reserved

<https://www.bible.com/en-GB/bible/2980/GEN.1.GUU>

©2025 Bible for Children, Inc.

www.M1914.org

www.bibleforchildren.org

